

E autor Herman "Manchi" Hennep

Na 2002 e autor Herman "Manchi" Hennep a publica e buki "Buscando Felicidad", cual buki a resulta un exito grandi y a wordo tanto lesa cu 2 biaha mester a haci reproduccion di e buki aki.

E siman aki el a presenta su di dos buki "Tres diferente ruta" cu tambe lo por bira un di e bukinan hopi bendi, mirando e interes cu tabata tin diahuebs anochi caba pa e buki na Biblioteca Nacional, y interes cu tabata tin ayera.

Manchi a nace na Aruba na 1942, y despues di scol basico na De la Salle School, el a sigui MULO na St. Dominicus College.

Dia el a gradua, el a bay afo y a bolbe poco aña despues como maestro di scol.

El a traha na diferente scol basico y a y a lanta un trio cu a carga nomber di Trio Caribe. Na 1971 el a bay Hulanda.

Aya tambe el a traha como maestro di scol y a toca den su oranan liber. Aya el a saca su prome disco 45 cu Duo Caribe.



Na 1974 e duo aki a gana e prome songfestival antiyano na Hulanda.

Sr. Hennep a yega di gana tambe den competencia di poesia na hulandes.

Na 1983 el a bay hospital pa un dolo den su lomba y despues di dos operacion, el a keda paralitico.

ya cu e no por a eherce su profesion mas, el a dedica hopi di su tempo na skirbi cantica, poesia y storia. Tambe el a skirbi diferente columna den DIARIO.

"Tres diferente ruta" ta su di dos buki, dedica na hubentud di Aruba y Antiyas.

E ta casa y tata di 5 yiu.